



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

XV. V. sint singula peccata, quoad numeru[m] fideliter confitenda.

urn:nbn:de:hbz:466:1-30362

interroget non apertè, sed dicat; cogitâsti aliquando de hoc? Si dicat, etiam; quærat ulterius; & consensisti? Si dicat, etiā: Procedat, dicens, & fecisti? Quo dicente, etiam, vel non, nihil amplius interroget.

Teneturne obliuiosus peccata sua scribere, quò eorum in Confessione melius recordari possit?

*Quæstio
XIII.*

NON; quia non est maior necessitas *Confessionis* quam contritionis; sed ad contritionem habendam non oportet peccata scribere (sufficit in generali conteri de oblitis) Ergo nec ad *Confessionem* requiritur id. Nec enim oportet iugum Domini redere grauius, satis est, quod quando confitetur, operam det, ut recordetur peccatorum. Et præterea rarissimè contingit profectò, quod aliquis, habens curam animæ suæ, obliuiscatur alicuius peccati mortalis.

Suntne singula peccata, quoad numerum, fideliter confitenda?

*Quæstio
XV.*

NVMERVS peccatorum est de necessitate *Confessionis*, vt scilicet quisque singula fideliter confiteatur: *Quilibet enim tenetur confiteri omnia peccata sua; sed qui non confitetur numerum, non confitetur omnia*

F peccata.

Respoſio.

Caput III. De Qualitate

peccata sua : Ergo tenetur eum confiteri,
aliás esset fictio.

Sed, vtrum iste numerus sit determinatè
dicendus, putà, furatus sum decies, iurauit
falsum millies &c. Respondetur, quod nu-
merus peccatorum ideo manifestari debet,
ut sciat Confessor, à quo debeat absoluere, &
qualitatem pœnitentis; & quia ad hoc pa-
rūm præstat, quod Confessor sciat, an sint
decem, vel vndecim; ideo non est exquisitè
numerus perquirendus.

Dicendum ergo PRIMO, quod quicunq;
sciuerit determinatè certum numerum pec-
catorum suorum; verbi gratia, si certò sciat,
quod peccauit decies, tenetur dicere deter-
minatè, se decies peccasse hoc peccato: Quia
aliás celaret aliquod peccatum, & esset fictio:
ut si diceret, se fecisse aliquod peccatum no-
nies, & sciret certò, quod fecisset decies.

SECVNDO, non est necessarium, ma-
gnam adhibere diligentiam ad cognoscen-
dum distinctè certum numerum peccato-
rum. Verbi gratia, recordatur aliquis, & scit
esse falsum iurasse multoties, semel in qua-
libet septimana, plus minusve; & si huic
cognitioni immoraretur diutius, forte
posset reperire certum numerum; dico, il-
lud non esse necessarium: Nam licet ex-
stum non assequatur suorum peccatorum
numerum, nihil tamen impeditur eorum,
qua sunt post Confessionem facienda: Non
enim

enim impeditur Absolutio, quia sufficit illa notitia; nec poenitentia, quia non est imponenda ad æqualitatem, cum sit arbitaria; nec etiam consilium. Satis est igitur, si certum numerum poenitens consequi nequeat, ut species peccatorum distinctas confiteatur, cum qualicunque coniectura numeri, ex circumstantiis peccatorum petita.

TER TIO, aliquando non est necesse adhibere diligentiam ad sciendum numerum. Verbi gratia, est meretrix, quæ fuit in lupanari decem annos, nunc conuertitur, & vult confiteri; satis est, si dicat peccata fornicationis hoc modo: Mansi in lupanari per decem annos, admittens cunctos; neque enim potest clariorem eius generis peccati facere manifestationem Confessario. Et idem de concubinario sentiendum est, nec non de illis, qui frequentissimè blasphemant; satis est, si dicant, hanc suam fuisse consuetudinem; ne faciamus eos mentiri. Et eodem modo de circumstantia magnitudinis rei furatae; non est opus, ut ad ultimum usque quadrantem cognoscatur rei premium aut valor.

Teneturne quis illud peccatum in particulari confiteri, cuius post factam iam Confessionem, recordatur, se oblitum esse?

Quæstio
XVI.